

Kalaallit Nunaanni eqqartuussisarnermik inatsisip allangortinneqarneranut inatsit

(Pinerlunnernut Immikkut Isigisarialinnut Immikkoortortap Kalaallit Nunaannut
piginnaatitaanera il. il.)

UAGUT MARGRETHEP AAPPAAT, Guutip saammaassineragut Danmarkip
Dronningia, uppersarparput:

Folketingip inatsit manna akuerigaa aamma Uagut akuersinitsigut aalajangersaraa:

§ 1

Kalaallit Nunaanni eqqartuussisarnermi inatsimmi, tak. inatsimmut nalunaarut nr. 1186, 18.
september 2023-meersumi, makkuninnga allanguisoqassaaq:

1. § 62 g-p kingornatigut *kapitali 3-mi* ikkunneqassaaq:

»§ 62 h. Immikkut Pinerluuteqarnek pillugu Nuna Tamakkerlugu Immikkoortortap Kalaallit Nunaanni eqqartuussivinni pinerluutini paasiniaasarnermik isumaginninneq pinerlunnikkullu eqqartuussisutigit malersuineq, unioqqutitsinerup pequtissaqarluartut isigineqarnerani annertusaanertigit, aaqqissuussamik pinerluuteqarnermut atassuteqartumut, nunani allani eqqartuussisarnermi oqartussaqaqfinnik pisariusumik suleqateqarnermik malitseqartumut, namminersuutigisamik periuseqarnikkut pinerluuteqarnermut, allatigulluunniit pinerluummut piginnaaneqaqfigisatut isikkulimmik pinerluutigisimasat Kalaallit Nunaat sinnerlugu isumagisarivai. Pinerluttulerinermik inatsimmi § 26 malillugu suliat 1. imm.-mi ilaatinneqartut isigineqarput, imaassimangippat suliaq Politiit immikkut paasiniaasartuinit suliarineqartoq.

Imm. 2. Justitsministeri tamatumunnga malittarisassanik aalajangersaasinnaavoq, imm. 1-mi pinerloriaatsit sorliit pineqarnerinik, aammalu pinerluummik paasiniaanermi pinerluutillu

eqqartuussisutigut malersorneqarnerisigut sutigut piumasagaatitaqarnerinik, Kalaallit Nunaata Politiiviniit suliamik ingerlatsisoqassatillugu.

§ 62 i. Pisortanit nunat tamat iliuuseqarnissamut suleqatigiinneq, danskit eqqartuussisarnermi inatsisaanni § 110 b, imm. 1, malillugu pilersinneqartoq, pinerlunnikkut aningaasarsianik malunnarunnaarsaanerup, qunusiarinninnermullu aningaasalersuineranut allanullu pinerluutinut akiuinissamut, imm. 8 malillugu aalajangersarneqartoq, Kalaallit Nunaanni aamma atuuppoq.

Imm. 2. Aningaasarsianik malunnarunnaarsitsiniarnermut, qunusiarinninnermullu aningaasalersuineq akiorniarlugit pinaveersaartitsineranut inatsit, kunngip peqqussutaatigut Kalaallit Nunaannut atuutilersinneqartoq, naapertorlugu nakkutilliineranut oqartussaqaarfiit kiisalu Kalaallit Nunaanni ilanngaaserineranut akileraartarnermullu oqartussaqaarfik suleqatigiinnermut peqataapput, tak. imm. 1. Nuna tamakkerlugu Pinerlunnernut immikkut isigisarilinnut immikkoortorta, oqartussaqaarfiit allat 1. imm.-mi taaneqanngitsut, aamma suliffeqaarfiit aammalu inuit aningaasarsianik malunnarunnaarsitsisarneq aamma, peqqarniisaarniarnernut aningaasalersuisarneq pitsaaliorniarlugit pineqaatissiisarneq pillugu inatsimmi, Kalaallit Nunaannut kunngip peqqusutaatigut atuutilersinneqartumi, § 1-imi ilaatinneqartut suleqatigiinnermut peqataasinnaanerat pillugu aalajangiisinnaavoq. Eqqartuussisuserisut, tak. aningaasarsianik malunnarunnaarsaasarneq aamma peqqarniisaarniarnernut aningaasalersuisarneq pitsaaliorniarlugit pineqaatissiisarneq pillugu inatsimmi, Kalaallit Nunaannut kunngip peqqusutaatigut atuutilersinneqartumi, § 1, imm. 1, nr. 14, suleqatigiinnermut peqataasinnaanngillat.

Imm. 3. Oqartussaqaarfiit imm. 2-mi taaneqartut, inatsisitigut allatigut nipangiussisimasussaataaneq atuutsinneqartoq pineqaraluarpalluunnit, oqartussaaffeqaarfinnut, suliffeqaarfinnut inuinnarnullu paasissutissanik ingerlatitseqqiisoqarsinnaavoq, suleqatigiinnermi peqataasunut, tak. imm. 1, paasissutissat aningaasarsianik malunnarunnaarsitsineranut, qunusiarinninnermullu aningaasalersuineranut, pinerluutinullu allanut suliami pinaveersaartitsinerup ineriartortinneqarneranut paasissutissat tiguneqartut iluaqutaasoritinneqarpata, imm. 8-mi aajangersarneqartutut.

Imm. 4. Suliffeqaarfiit aammalu inuit aningaasarsianik malunnarunnaarsitsisarneq aamma, peqqarniisaarniarnernut aningaasalersuisarneq pitsaaliorniarlugit pineqaatissiisarneq pillugu inatsimmi, Kalaallit Nunaannut kunngip peqqusutaatigut atuutilersinneqartumi, § 1-imi ilaatinneqartut, suliffeqaarfiit aningaasarsiornermik ingerlataqartut pillugit inatsimmi Kalaallit

Nunaannut kunngip peqqussutaatigut atuutilersinneqartumi, § 117, imm. 1 aamma kukkunersiuisut naalagaaffimmit akuerisat aamma nalunaarsugaasut pillugit inatsimmi kunngip peqqussutaatigut atuutilersinneqartumi, § 26 apeqqutaatinnagit, pisorta qarfinnut, suliffe qarfinnut aammalu inunntut suleqatigiinnermut peqataasunut paasissutissanik ingerlateqqiisinnaapput, tak. imm. 1, paasissutissat sulianut aningaasarsianik malunnarunnaarsitsinnermut qunusiarinninnermullu aningaasalersuinnermut, pinerluutinullu allanut akiuiniarnermut suliniummut paasissutissat iluaqutaassappata imm. 8-tut aalajangersarneqartut.

Imm. 5. Suliniummik ingerlatsinnermi inuit suleqatigiinnermi peqataasut, tak. imm. 1, pinerlunnermi inatsisini § 50-54-mi akisussaaffiligaapput, suleqatigiissuteqarnermut tunngassuteqartunik tigusaqarnermi paasissutissanik isertuussinissamik pisussaaffiligaallutik, tak. imm. 7.

Imm. 6. Imm. 5-mi nipangiussisimasussaataaneq aamma atuuppoq, paasissutissanik tiguneqartunik inatsilerituunulluunniit ingerlatitseqqiinikkut, paasissutissat ilaatigut eqqartuussinernut attuumassuteqarsinnaasut, pineqartumut paasissutissat, inatsiseqarnermut allanut tunngasuugaluarpataluunniit, tak. imm. 7.

Imm. 7. Paasissutissat imm. 5-mi pineqartut, oqartussaassuseqartumiit tunniunneqarsimasut akuersineratigullu tiguisumut suliarineqarnissaanik pisinnaatitaasumut tunniunneqarsinnaapput. Akuersissutigineqarsimappat, nalinginnaasumik malittarisassaniippoq tiguisinnaanermik atuutsinneqartumik, imm. 5 aamma 6 malillugit nutaamik atuutilerseqqissinnaannginneranik.

Imm. 2 naapertorlugu, suliffe qarfiit inuinaallu sulissuteqarnermut peqataasut, tak. imm. 1, oqartussaasumiit akuerineqarnikkut paasissutissanik tunniussisimasut, imm. 5 atorlugu, aningaasarsianik malunnarunnaarsitsiniaanermut, qunusiarinninnermullu aningaasalersuinnermut, pinerluutinullu allanut pinaveersaartitsinnermut suliniutiminnik ilanngutsitsisinnaapput, imm. 8 malillugu atuutsinneqartumi.

Imm. 8. Justitsministeri tamatumunnga malittarisassanik erseqqinnerusunik aalajangersaasinnaavoq, suleqatigiinnermi pinerluutinut allanut, aningaasarsianik malunnarunnaarsitsiniaanerup, qunusiarinninnermullu aningaasalersuinerup aavataatigut, pinerluttulerinnermi suliaqarfik; Nunarsuaq tamakkerlugu Pinerlunnernut Immikkut Isigisarialinnut-mut ilaatinneqarpat, tak. § 62 h.«

Inatsit atuutilersinneqassaaq ulloq 1. marts 2024

Marsilesborg Slot-imi tunniunneqarpoq, ulloq 28. december 2023

Kunngisut Atsiorpugut Naqissusiillutalu

MARGRETHE R.

/ Peter Hummelgaard